

續尤西堂擬明史樂府

閩錫山書齋



續元子集明史集序

明史集序



山西省文獻委員會編

山右叢書初編

趙戴文題



編校姓氏

山西省文獻委員會總裁

閻錫山 百川

副總裁

趙戴文 次隴

徐永昌 次宸

常務委員

郭象升 允叔

馬駿 君圖

陳敬棠 芷莊

委員

賈景德 煜如

張友桐 曉琴

常贊春 子襄

狄樓海 觀滄

李鏡蓉 亮工

陳受中 乙和

邵修文 竹琴

陸近禮 恭齋

高時臻 福齋

李尙仁 綢卿

甯超武 子高

賈昭德 宣之

編纂

任晰 亮裁

常乃惠 燕生

趙正楷 法真

方聞 彥光

田九德 玉如

田九德 玉如

原士才 石民

總幹事 于萬河 霞裳

幹事 焦陽三 養三

范士元 周君

常乃純 价中

校對 武敘疇 洪九

陳秀彥 元生

郭長民 漢鼎

邢淵經 伯涵

劉受福 百之

陽城張子雋三黜落士也少工詩補學官弟子輒棄去浪遊大梁閩越吳楚燕齊間二十年而其詩益工既倦遊歸臥析城王屋山下日與其徒徜徉詩酒抒寫性靈絕無抑鬱牢愁之意形諸歌詠其淡於名也如此余督學來晉與雋三初不相知采風所至輒求能爲詩古文詞者顧不可多得辛未冬按試澤州童子中有李毅者試以各體詩無不工妙甚異之詢其所從學則曰我師張雋三也翼日雋三携所著豔雪堂詩集來謁挑燈疾讀之大抵工於言情長於論古不屑屑規撫作者而其雋爽超逸直欲自到古人亟索其近作則出續尤西堂明史樂府百章質而不俚婉而多風節奏天然斷制精確不覺一讀一擊節非徒言語妙天下蓋其學識過人遠矣斯必傳無疑也相與議論上下今古意氣和平神致蕭散無名士虛憍習氣淡於名則其深於詩也固宜余於是喟然曰若雋三者豈獨雄視三晉卽以詩名天下可也雖然名亦有幸不幸焉士之高才者而又有貴仕則足以自取名有高才矣或得一得位有勢力者爲之大

聲延譽則亦足以爭名於一時國朝山右詩人首推陳午亭相國吳蓮洋徵君相國望重朝端優柔平中之音自具臺閣氣象徵君爲新城所激賞而名以大著世莫敢有異議今取蓮洋集讀之漢祠秦樹萬里崑崙而外他作殊不稱則豈非登高而呼之謂歟之二者雋三皆無之而又不屑與一時稱詩者標榜壇坫間落拓半生頭童齒豁足跡半天下而名不出里閭是可慨也余不工爲詩余之言何足爲雋三重顧謂雋三可與午亭蓮洋鼎立而欲躋雋三於蓮洋上至於樂府以爲實勝西堂直與西涯爭席斯言也鮮不聞而駭之然讀雋三詩者始知雋三之詩果可傳初非藉於余言而余言之果不謬也豔雪堂集其友延君荔浦官青齊時已爲開雕甫竣工罷去版留歷城尙未行世樂府不妨單行余故梓而傳之爲序其梗概如此讀者可由是以想見全詩且想見其爲人嘉慶壬申夏五湘潭周系英石芳氏書於寧武試院

續尤西堂擬明史樂府

山右叢書初編

陽城張晉雋三譔

同里楊履道坦如注

嘗讀尤西堂先生擬明史樂府愛其述事遣辭才識兼到嘉慶庚午夏日里居無事因續作一百首凡西堂已作者不更作其中或意見不同或情辭未盡亦間有重複非必與西堂爭勝也

紀龍鳳

漢高爲義帝縞素而發喪光武從更始受爵稱蕭王當時暫憑藉事過何足詳明祖初年紀龍鳳千古英雄同作用丈夫甯能制於人手關乾坤三百春扁舟舶瓜步水小明王死於此大明洪武紀元始

劉福通以欒城人韓林兒稱宋帝又號小明王建國曰宋建元龍鳳檄太祖爲副元帥太祖曰大丈夫甯能受制於人耶然以其勢方盛可倚藉乃用龍鳳年號以令軍

中後張士誠將呂珍殺福通太祖擊走之以林兒歸居之滁州三年林兒卒或曰太祖命廖永忠迎林兒歸建康至瓜步覆舟沈於江云

### 定朔漠

頒詔書定朔漠密迪哩巴拉被縛九重特與沛恩綸賜第龍光拜侯爵定朔漠削羣雄皆天意非朕功朕之父母食元德卿等父母將無同元鼎雖亡元德在御殿受俘禮不通此豈可比王世充君不見歸義侯失疆土事由臣下非自取宋家有例不須援何況百年中國主

洪武三年八月頒平定朔漠詔於天下封元嗣君子密迪哩巴拉爲崇禮侯賜第龍光山李文忠奏捷至中書省草詔書進帝見有侈大之辭曰元主中國百年朕與卿等父母皆賴其生養元之興亡自是氣運於朕何預命改之及密迪哩拉至京師羣臣請獻俘帝曰武王伐殷用之乎省臣對唐太宗嘗行之帝曰是待王世充耳若遇隋之子孫必不爾也明升降羣臣請帝受俘如孟昶降宋故事帝以昇幼弱事由臣

下與昶異免其伏地待罪之儀授爵歸義侯

### 奇男子

軍中猛將誰爲冠衆口齊推常十萬莫笑元臣不足齒尚有庫庫特穆爾摺殘局從故君七致書不肯臣一戰能敗大將軍哈喇諾海將星落殉夫復見毛夫人大明天子拊髀嘆環顧諸將無比倫無比倫心傾倒常遇春固自好奇男子王保保

洪武五年春遣大將軍徐達等分道征元庫庫特穆耳達軍敗績自元時帝嘗遣使通好於庫庫特穆爾前後凡七致書皆不答帝心敬之嘗大會諸將問曰天下奇男子誰也皆對曰常遇春帝曰遇春雖人傑吾得而臣之吾不能臣王保保乃奇男子耳保保庫庫特穆爾小字也八年庫庫特穆爾卒於哈喇諾海其妻毛氏亦自經死常遇春自言能將十萬軍中稱常十萬

### 賜舊邸

徐大將軍功臣莫比何以酬庸賜朕舊邸置酒高宴弗醉弗止扶入正寢遣人  
密視夜半酒醒伏地請死臣何敢居甯違帝旨夫惟弗居帝乃大喜馮傳同誅  
藍玉獄起飛鳥既盡良弓藏矣日月昭明中正無倚徐大將軍一人而已嗚呼  
功臣曷不視此

太祖嘗稱中正無疵昭明乎日月者大將軍一人而已一日從容言徐兄功大未有  
寧居可賜以舊邸舊邸帝爲吳王時所居也達固辭帝與達之邸強飲之醉昇臥正  
寢達醒驚趨下階俯伏呼死罪帝覘之大悅傳友德馮勝皆賜死藍玉以罪誅

### 窃炊餅

眞龍蟠屈未得水紫鳳飛來護龍體馬公鄭媼慶地下有女如今嫁天子明祖  
遇子興其初未之奇每食或不飽有時且見疑窃炊餅藏暗處肉爲焦心愈苦  
眞龍一朝登九五大廷每向羣臣語大樹將軍啖光武豆粥麥飯同千古夫婦  
相保易君臣相保難大獄乃屢興弓狗齊摧殘高后有靈應痛哭奈何只記食

# 焦肉

太祖高皇后馬氏父馬公母鄭媼少育於郭子興子興奇太祖以后歸焉帝嘗爲郭氏所疑值歲歉軍中乏食后竊炊餅以進肉爲焦及貴帝比之燕羹豆粥滹沱麥飯每對羣臣述后賢退以語后后曰妾聞夫婦相保易君臣相保難陛下不忘妾同貧賤願無忘羣臣同艱難

## 東甌王

中山開平已先死功狗紛紛烹不已當年獨有東甌王能以功名相終始東甌王功高年復大年大功高志益下還朝首請釋兵權帝喜王意愈王言黃金彩幣賜稠疊舉朝莫得與比肩惟王與帝皆濠產屋脊之言幾不免畢竟明高勝漢高不然曷不視盧綰

東甌王湯和濠人與太祖同里開帝春秋寢高不欲諸將久典兵和以間從容請釋兵柄帝大悅爲和治弟中都弟成和帥妻子陞辭賜黃金彩幣并降璽書褒諭諸功

臣莫得比焉先是和守常州時請事於帝不得醉出怨言曰吾鎮此城如坐屋脊左顧則左右顧則右帝聞而銜之迨晚年益爲恭慎故獨享壽考以功名終

### 黑將軍

黑將軍勇絕倫產懷遠名花雲真人駐臨濠仗劍來軍門所至必克捷誓死報國恩太平城圍已急友諒舟乘漲入將軍奮身罵賊死將軍夫人抱兒泣侍兒竊兒走輾轉匿葦洲三歲孤兒食蓮實七日不死非人謀夜半月黑苦霧驚沙葦洲老人神耶鬼耶挈兒見天子天子淚如麻抱兒置膝上慨焉念兒爺嗚呼黑將軍如其勇將軍雖死留將種

花雲懷遠人貌偉而黑驍勇絕倫元至正十三年仗劍謁太祖於臨濠俾將兵略地所至克捷太祖將取滁州雲從猝遇賊雲翼太祖躍馬衝陣而進賊驚曰此黑將軍也勇甚不可當其鋒遂克滁州後守太平陳友諒以舟師來寇乘漲而入城遂陷罵賊而死方戰急雲妻鄒氏挈三歲兒泣語家人曰城破吾必死然不可使花氏無後

及雲被執郛赴水死侍兒孫抱兒行至九江孫夜投漁家脫簪珥屬養之及漢兵敗孫復竊兒走渡江遇僨軍奪舟棄江中浮斷木入葦洲采蓮實哺兒七日不死夜半有老父雷老挈之行踰年達太祖所孫抱兒拜泣太祖亦泣置兒膝上曰將種也賜雷老衣忽不見賜兒名煒

### 老臣素

東閣垂簾屏侍御橐橐履聲階下步玉音顧問爾何人翰林學士老臣素老臣素曷不去守余闕墓有明修元史實綠粲可稽此事易耳寧必老臣知文天祥呼不起老臣素欠一死報恩寺中古井水不與老臣洗羞耻

元都破元翰林學士承旨危素趨所居報恩寺將入井寺僧大梓力挽之曰國史非公莫知公死是死國史也素遂止及素至京師太祖授素翰林侍讀學士年已七十餘一日帝御東閣側室素行簾外履聲橐橐然帝問誰也對曰老臣危素帝哂曰朕謂是文天祥耳後御史王著論素詔謫居和州守余闕廟

姦黨錄

蕭何輔漢高鄧禹佐光武富貴勳名日月旁千秋一德追伊呂吁嗟李善長亦是蕭鄧侶身封公男尙主七十老翁何所求翻然乃作姦臣輔胡惟庸誅已遲此事寧能諉不知明正典刑復誰怨奈何乃使塞星變塞星變君莫哭臣罪當誅上非酷君不見姦黨錄

先是善長弟存義安置崇明善長不謝帝銜之善長年七十餘毫不檢下京民有坐罪應徙邊者善長數請免其私親丁斌等帝怒按斌斌故給事胡惟庸家因言存義等往時交通惟庸狀命逮存義鞫之詞連善長于是御史交章劾善長坐以大逆會星變言者謂其占當移大臣遂賜善長死吉安侯陸仲亨等皆同時坐惟庸黨死帝條列其罪作姦黨錄布告天下按胡惟庸反謀善長實知之隱而不舉故及於禍

立皇孫

前星隕帝啜泣東角門召羣臣入親與諸卿商所立立皇孫何禮文劉三吾乃

云云國有長君社稷利此事不須向人計由來知子莫若父奈何舍却燕王棣  
皇孫既立燕王守藩靖難兵起骨肉摧殘高皇在天夫誰咎三吾地下呼負負  
太子標卒帝御東角門召羣臣曰太子不幸至此朕意欲立燕王何如劉三吾進曰  
皇孫年富世嫡之子子沒孫承嫡統禮也帝以三吾言立孫之意遂決

### 築稻場

築稻場瘞空齟齬聲心所耽將軍行樂愛走馬甲楯誰爲辨真假胡獄終藍  
獄終繼之者潁國公烹走狗藏良弓彼樊父猶夢夢一杯鳩酒當良醞卿事有  
無朕不問

宋國公馮勝嘗築稻場瘞齟其下取有齟齬聲走馬其上以爲樂邑有樊父者勝兄  
國用妻家也有所干索於勝不予樊父遂告勝家居不法場下悉瘞兵器帝召勝賜  
之酒曰朕不問也是夕勝暴卒

### 廷杖